АЖРИМ

(даъво аризасини кўрмасдан қолдириш тўғрисида)

Гулистон шахри

2024 йил 18 сентябрь

Гулистон туманлараро иктисодий суди, судья М.Холиковнинг раислигида, судья ёрдамчиси Ю.Абизов суд мажлиси котиблигида, аризачи вакили Ф.Хасанов (ишончнома асосида) иштирокида, аризачи Гулистон туман солик инспекциясининг жавобгар "МВ TURDIQULOV S" масъулияти чекланган жамиятини банкдаги хисобвараклари бўйича операцияларни ўн кундан кўп муддатга тўхтатиб туриш тўғрисидаги аризаси бўйича кўзғатилган иктисодий ишни Сирдарё вилоят солик бошкармаси маъмурий биносида, очик сайёр суд мажлисида кўриб чикиб, куйидагиларни

АНИКЛАДИ:

Аризачи Гулистон туман солик инспекцияси (бундан буён матнда аризачи деб юритилади) 2024 йил 4 сентябрда Гулистон туманлараро иктисодий судига 03-41617138-сонли аризаси билан мурожаат килиб, аризасида жавобгар "MB TURDIQULOV S" масъулияти чекланган жамияти (бундан буён матнда жавобгар деб юритилади)нинг банклардаги хисобвараклар буйича операцияларни ўн кундан куп муддатга тухтатиб куйишни сўраган.

Суд мажлисида иштирок этган аризачи вакили айнан шундай мазмундаги иш бўйича техник хатолик сабабли такроран судга ариза киритилганлигини тушунтириб, суддан қонуний қарор қабул қилишни сўради.

Жавобгар суд мажлисининг вақти ва жойи тўғрисида тегишли тарзда хабардор қилинган бўлсада, унинг вакили суд мажлисига келмади ҳамда ариза юзасидан ўз фикр-мулоҳазаларини тақдим этмади.

Ўзбекистон Республикасининг Иқтисодий процессуал кодекси (бундан буён матнда ИПК деб юритилади) 220-моддаси биринчи қисмига асосан суд ишда иштирок этувчи шахсларни суд мажлисининг вақти ва жойи тўғрисида ушбу Кодексда белгиланган тартибда хабардор қилади. Бунда суд аризачининг зиммасига жавобгарни суд мажлисининг вақти ва жойи тўғрисида хабардор қилиш мажбуриятини юклашга ҳақли. Суд мажлисининг вақти ва жойи тўғрисида тегишли тарзда хабардор қилинган мазкур шахсларнинг келмаганлиги, агар суд уларнинг келишини мажбурий деб топмаган бўлса, ишни кўриб чиқиш учун тўсқинлик қилмайди.

Суд, ишда иштирок этувчи аризачи вакилларининг тушунтиришларини тинглаб, ишдаги мавжуд ва суд муҳокамаси жараёнида тақдим этилган ҳужжатларни ўрганиб чиқиб, қуйидагиларга асосан адлия бўлимининг даъво аризасини кўрмасдан қолдиришни лозим топади.

Иш хужжатларидан аниқланишича, аризачи судга 2024 йил 4 сентябрдаги 03-41617138-сонли аризаси билан 2024 йил 4 сентябрда мурожаат қилиб, жавобгарнинг банклардаги ҳисобварақлар бўйича операцияларни ўн кундан кўп муддатга тўхтатиб қўйишни сўраган ва ушбу ариза бўйича суднинг қўзғатилган

4-1201-2403/2763-сонли иши бўйича 2024 йил 18 сентябрда қабул қилинган ҳал қилув қарорига биноан аризачининг аризаси қаноатлантирилган.

Аризачи эса 2024 йил 4 сентябрдаги 03-41617138-сонли аризаси билан такроран 2024 йил 4 сентябрда айни бир предмет тўғрисидаги ва айни бир асослар бўйича судга ариза билан билан мурожаат қилган. Мазкур ариза суднинг 2024 йил 6 сентябрдаги ажримига асосан иш юритишга қабул қилиниб, 4-1201-2303/2758-сонли иш қўзғатилган ва ишни кўриш 2024 йил 18 сентябр куни соат 09:38да Сирдарё вилоят солиқ бошқармаси маъмурий биносида, очиқ сайёр суд мажлисида кўриб чиқиш учун тайинланган.

ИПКнинг 107-моддаси 1-бандига кўра, агар фукаролик ишлари бўйича суд, иктисодий суд, ҳакамлик суди, арбитраж суди иш юритувида айни бир шахслар ўртасидаги, айни бир предмет тўғрисидаги ва айни бир асослар бўйича низо юзасидан иш мавжуд бўлса, суд даъво аризасини кўрмасдан қолдиради.

Суднинг 4-1201-2403/2763-сонли иши бўйича айни бир шахслар ўртасидаги, айни бир предмет тўгрисидаги ва айни бир асослар бўйича 2024 йил 18 сентябрда ҳал қилув қарори қабул қилинганлиги ҳамда ушбу ҳал қилув қарори қонуний кучга кирмаганлиги сабабли суд, аризачининг аризасини кўрмасдан қолдиришни лозим топади.

Ўзбекистон Республикасининг "Давлат божи тўғрисида"ги Қонуни 18-моддаси биринчи қисми 7-бандига кўра, агар суднинг ёки ҳакамлик судининг иш юритувида айни бир тарафлар ўртасидаги, айни бир предмет тўғрисидаги ва айни бир асослар бўйича низо юзасидан иш мавжуд бўлса, ариза кўрмасдан қолдирилганда, давлат божи қайтарилиши лозим, бироқ аризачининг аризаси давлат божи тўловисиз қабул қилинганлиги ҳамда мазкур Қонуннинг 9-моддаси биринчи қисми 19-бандига биноан аризачи ва жавобгар - ҳуқуқий таъсир чораларини қўллаш тўғрисидаги ишлар бўйича давлат божи тўловидан озод этилганлиги ҳамда иш электрон шаклда шаклланганлигини инобатга олиб суд, давлат божи ва почта харажатини ундирувсиз қолдиришни лозим топади.

Юқоридагиларга асосан ҳамда Ўзбекистон Республикасининг Иқтисодий процессуал кодекси 107, 108, 109, 170, 195-моддаларини қўллаб, суд

АЖРИМ КИЛДИ:

Аризачи Гулистон туман солиқ инспекциясининг аризаси кўрмасдан қолдирилсин.

Давлат божи ва почта харажати ундирувсиз қолдирилсин.

Аризани кўрмасдан қолдириш тўғрисидаги ажрим устидан шикоят қилиниши (протест келтирилиши) мумкин.

Раислик қилувчи

М.Холиков

